

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 31-10-2023

Organizaciona jedinica	Klasifikaciona oznaka	Redni broj	Broj priloga
01-02-2		2276/23	

PRIJELOG

Na osnovu člana IV. 4. e) Ustava Bosne i Hercegovine, člana 163. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22 i 59/23) i člana 151. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), Predstavnički dom Parlamentarne skupštine Bosne i Hercegovine, na __. sjednici održanoj, __. __. 2023. godine usvojio je

REZOLUCIJU

o potrebi donošenja odluke o otvaranju pregovora između Bosne i Hercegovine i Evropske unije o pristupanju Evropskoj uniji

Polazeći od činjenice da je Evropska unija 2003. godine u Solunu izrazila spremnost da sve zemlje Zapadnog Balkana primi u punopravno članstvo u Evropsku uniju;

Podsjećajući da je 1. juna 2015. godine stupio na snagu Sporazum o stabilizaciji i pridruživanju između Evropske unije i Bosne i Hercegovine i da je Bosna i Hercegovina 15. februara 2016. godine u skladu sa članom 49. Ugovora o Evropskoj uniji, podnijela zahtjev za članstvo u Evropskoj uniji;

Ističući da je Bosna i Hercegovina 28. februara 2018. godine predala odgovore na 3242 pitanja iz Upitnika Evropske komisije, te da je 4. marta 2019. godine predala odgovore na 655 dodatnih pitanja iz Upitnika Evropske komisije;

Naglašavajući da je Evropska komisija 29. maja 2019. godine prihvatila Mišljenje o zahtjevu Bosne i Hercegovine za članstvo u Evropskoj uniji sa 14 prioriteta;

Cijeneći da je Vijeće ministara Bosne i Hercegovine 15. oktobra 2019. godine usvojilo Akcioni plan za realizaciju prioriteta iz Analitičkog izvještaja Evropske komisije sa 729 mjera za provedbu 115 prioriteta u okviru političkog i ekonomskog kriterija, te 33 pregovaračka poglavlja;

Imajući u vidu da je Evropsko vijeće 15. decembra 2022. godine odobrilo kandidatski status za Bosnu i Hercegovinu nakon zaključka Vijeća općih poslova Evropske unije koje je usvojilo zaključak kojim se preporučuje dodjela statusa kandidata Bosni i Hercegovini;

Podrčtavajući da je članstvo u Evropskoj uniji jedno od strateških opredjeljenja Bosne i Hercegovine, te da prema zadnjim anketama stanovnici Bosne i Hercegovine u procentu većem od 70% žele članstvo u Evropskoj uniji;

Ubijeđeni da će se ispunjavanjem kriterija za punopravno članstvo u Evropskoj uniji stvoriti bolji uslovi za sve stanovnike Bosne i Hercegovine;

Opredijeljeni za nedvosmisleno ostvarivanje osnovnih vrijednosti demokratije, vladavine prava, ljudski prava i zaštite manjina, na kojim funkcionira Evropska unija;

Shvatajući važnost geopolitičkog momenta u kojem se nalazimo, Predstavnički dom Parlamentarne skupštine Bosne i Hercegovine usvaja

REZOLUCIJU

o potrebi donošenja odluke o otvaranju pregovora između Bosne i Hercegovine i Evropske unije o pristupanju Evropskoj uniji

1. Pozivamo Vijeće za opće poslove Evropske unije i Evropsku komisiju da u okviru svojih nadležnosti predlože Evropskom vijeću donošenje pozitivne Odluke o otvaranju pregovora, s obzirom na globalnu geopolitičku i sigurnosnu situaciju, političke odnose u Bosni i Hercegovini i stepen usvojenih zakona i implementiranih reformi u Bosni i Hercegovini nakon sticanja kandidatskog statusa.
2. Pozivamo Evropsko vijeće da donese Odluku o otvaranju pregovora između Bosne i Hercegovine i Evropske unije o pristupanju Evropskoj uniji.
3. Predstavnički dom Parlamentarne skupštine Bosne i Hercegovine, Vijeće ministara Bosne i Hercegovine i sve druge institucije će kontinuirano raditi na realizaciji svih preostalih obaveza iz 14 prioriteta iz Mišljenja Evropske komisije o zahtjevu Bosne i Hercegovine za članstvo u Evropskoj uniji, te na ostalim reformama u cilju usklađivanja propisa Bosne i Hercegovine sa pravnom stečevinom Evropske unije.
4. Ova Rezolucija stupa na snagu danom usvajanja i objavit će se u „Službenom glasniku Bosne i Hercegovine“.

Predsjedavajući
Predstavničkog doma
Parlamentarne skupštine BiH